

佛告阿難陀此陀羅尼若誦持者宿食不消  
霍亂風黃痰癰患痔痛淋瀝上氣嗽瘡寒熱

頭痛背痛著鬼魅者悉得除差我以佛眼觀  
見彼人諸天魔梵沙門婆羅門能作障難除  
非決定業報盡者餘無能違越作其障難如

來應供正徧知說一切有情中如來為尊勝

一切法中離欲法尊一切衆中僧伽為尊以

此誠實言願我及一切有情食飲喫啖入腹  
消化得正安樂娑嚩訶

爾時世尊說是經已諸苾芻僧并諸菩薩摩

訶薩一切大衆天龍八部受持佛語歡喜奉  
行

佛說除一切疾病陀羅尼經

佛說救拔焰口餓鬼陀羅尼經

唐三藏沙門大廣智不空奉詔譯

爾時世尊在迦毗羅城尼拘律那僧伽藍所  
與諸比丘并諸菩薩無數衆會前後圍遶而  
為說法爾時阿難獨居靜處念所受法即於

其夜三更已後見一餓鬼名曰焰口其形醜  
陋身體枯瘦口中火然咽如針鋒頭髮鬚亂  
爪牙長利甚可怖畏住阿難前白阿難言却  
後三日汝命將盡即便生此餓鬼之中是時  
阿難聞此語已心生惶怖問餓鬼言若我死  
後生餓鬼者行何方便得免斯苦爾時餓鬼  
白阿難曰汝於明日若能布施百千那由佗  
恒河沙數餓鬼并百千婆羅門仙等以摩伽  
陀國所用之斛各施一斛飲食并及爲我供  
養三寶汝得增壽令我離於餓鬼之苦得生

天上阿難見此焰口餓鬼身形羸瘦枯焦極  
醜口中火然咽如針鋒頭髮鬚亂爪牙長利  
又聞如是不順之語甚大驚怖身毛皆豎即  
從座起疾至佛所五體投地頂禮佛足身體  
顫慄而白佛言願救我苦所以者何我住靜  
處念所受法見焰口餓鬼而語我言汝過三  
日必當命盡生餓鬼中我即問言云何令我  
得免斯苦餓鬼答言汝今若能施於百千那  
由佗恒河沙數餓鬼及百千婆羅門仙等種  
種飲食汝得增壽世尊我今云何能辦若干

餓鬼仙人等食爾時世尊告阿難言汝今勿怖我有方便令汝能施若干百千恒河沙餓鬼及諸婆羅門仙等種種飲食勿生憂惱佛告阿難有陀羅尼名曰無量威德自在光明勝妙力若有誦此陀羅尼者即能充足俱胝那由佗百千恒河沙數餓鬼及婆羅門仙等上妙飲食如是等衆乃至一一皆得摩伽陀國所用之斛七七斛食阿難我於前世作婆羅門於觀自在菩薩所及世間自在威德如來所受此陀羅尼故能散施與無量餓鬼及

諸仙等種種飲食令諸餓鬼解脫苦身得生天上阿難汝今受持福德壽命皆得增長爾時世尊即爲阿難說陀羅尼曰

曩莫薩縛無可切怛佗引夔跢引縛路引枳

帝二唵引三去聲跋羅三跋羅吽引

佛告阿難若有善男子善女人欲求長壽福

德增榮速能滿足檀波羅密每於晨朝及一切時悉無障礙取一淨器盛以淨水置少飲麩及諸餅飢等以右手按器誦前陀羅尼滿七徧然後稱四如來名號

南謨多寶如來

曩謨婆<sub>去聲</sub>誡縛帝<sub>一</sub>鉢羅<sub>仁部</sub>引哆羅怛曩

<sub>二</sub>野怛佉<sub>引</sub>孽跢<sub>引</sub>野<sub>二</sub>

由稱多寶如來名號加持故能破一切諸鬼  
多生已來慳悋惡業罪障消滅即得福德圓

滿

南無妙色身如來

曩謨婆誡縛帝<sub>一</sub>素嚕<sub>仁播</sub>引野怛佉<sub>引</sub>誡

跢野<sub>二</sub>

由稱妙色身如來名號加持故能破諸鬼醜

陋惡形即得色相具足

南謨廣博身如來

曩謨<sub>引</sub>婆誡縛帝<sub>一</sub>尾補羅誡<sub>引</sub>怛羅<sub>仁合</sub>

野怛佉<sub>引</sub>孽跢<sub>引</sub>野<sub>二</sub>

由稱廣博身如來名號加持故能令諸鬼咽

喉寬大所施之食恣意充飽

南謨離怖畏如來

曩謨婆<sub>去聲</sub>誡縛帝<sub>阿</sub>聲婆<sub>去聲</sub>孕迦羅<sub>引</sub>野

怛佉<sub>去聲</sub>孽跢<sub>引</sub>野<sub>二</sub>

由稱離怖畏如來名號加持故能令諸鬼一

切恐怖悉皆除滅離餓鬼趣佛告阿難若族  
姓子等稱四如來名號加持已彈指七徧取  
於食器於淨地上展臂瀉之作此施已於其  
四方有百千那由佗恒河沙數餓鬼前各各  
有摩伽陀國七七斛食受此食已悉皆飽滿  
是諸餓鬼悉等捨鬼身生於天上阿難若有<sup>十六</sup>  
比丘比丘尼優婆塞優婆夷常以此真言及  
四如來名號加持食施餓鬼便能具足無量  
福德則同供養百千俱胝如來功德等無差  
別壽命延長增益色力善根具足一切非人

夜叉羅刹諸惡鬼神不敢侵害又能成就無  
量福德壽命若欲施諸婆羅門仙等以淨飲  
食滿盛一器即以前真言加持二七徧投於  
淨流水中如是作已即爲以天諸美妙飲食  
供養百千俱胝恒河沙數婆羅門仙彼諸仙  
人得加持食故以呪威德各各成就根本所  
願諸善功德各各同時發誓願言願施食人  
壽命延長色力安樂又令其人心所見聞正  
解清淨具足成就梵天威德行梵天行又同  
供養百千恒河沙如來功德一切怨讎不能

六經同卷

21